

Wenn y an alles kängg:
Es gäbt säh Schnittselbängg!
Drum lauft my Schnure jets, my beesi -
Zem Gligg haiss y nit Bassanesii!
Kai Her Motta uus em Bundeshaus
Schiebt mi iber d'Baslergränze uus!

Tiend doch, 's wär jo glatt,
s'Museum uff d'Luftmatt!
Und bauet's grad ('s wär 's Best, y wetti!)
Als Bariteetekabinett:
Ass die Sempelhirni Blatz drinn hänn,
Wo's dert usse anepflyale wänn!

Wenn in dr Schlisselsumpf
Dr Offizier scho sumpt -
Hues 's Munsigkorps denn unswerworge
Fir d'Freiestroosverstopfig Sorge?
Hämmet's nächstmal Rich en ander Zyl :
Machet doch die Suffete in Wyl!

D'Stiehl in dr Woba-Bar
Aecht Architekto-War!
Doch Hirnverbrenntverfluechtmillione
Sind d'Prys fir d'Konsumatsione -
's Billiget, das isch -nimm's jets här wie hi-
Allewyl no's Zwitschgewasser gai!

's Polizepartemänt,
Das kunnt in anderi Händ:
Oh Frauenot, oh Frauegligg:
E Ludwig macht sich jets dert digg!
Macht dā au so Hiderhuserdänn,
Windet d'Nochwelt sicher kaini Gränn;

Oh Tauber, bhalt Dy Härri!
Uns wär's myseel kai Schmärrz,
Wenn'd niehne hoggtisch uns uff d'Embe,
Du iberfrässeni Gurgeltube:
Wenn mir wänn e digge Ranze gseh,
Hänn mir jo in Basel dr - Gervé!

In Nische git's e Grach,
Und d'Schugger braicht's uff 's Dach!
Dā Wiehnachtsobebängelchor
Bringt mängem grienen Aengel Gfohr:
Was wänn diggi Bolisistekepf,
Wenn die Andere dryschleen mit de Grepf!

Es kunnt Ain in Spital:
'Her Doggter, 's isch fatal:
Mir fñhät dr Schloof bi Dag und Nacht!"
D'r Doggter untersuecht und lacht:
' Y mach Ihrem Brätsche geschwind em Aend:
Si miend' e nitlang uff'e 's Baudepartemänt!"